

Daandii Milkaaâ€™innaa fi Gammachuu-Lakk.17

Description

Barruun tuni barreefamoota gaggabaabo jiâ€™ma Onkololeessa (October) 2016 fuula Fesbuuki Jireenya Badhaatu irraa walitti funaannamtedha.

â€™Wantoota namoota balleessan sadii irraa fagaadhu, wantoota sadan nama baraaran sirritti qabadhu. Wantoonni nama balleessan sadan: **fedhii duwwaa hordofuu, of dinqisifachuu (ujb) fi garmalee haafayu.**

Wantoonni sadan nama baraaran: **Rabbiin iccitii fi ifatti sodaachu, yeroo dallansuu haqa taâ€™u, yeroo durummaa fi hiyyummaa madaallamaa** taâ€™u.â€™

Namni yeroo fi sammuu ofiitti sirnaan hin fayyadamne, dalalii jireenya fi jireenya salphinnaa keessa jiraata. Namni yeroo ofii sirnaan fayyadamee garuu sammuu ofii bakka hin taanetti yoo fayyadame, dhumti isaa hoongo fi salphinna. Fakkeenyaaf, nama Rabbi fi Guyyaa dhumaatti hin amanne garuu addunyama tana qofa jala deemu osoo hin tawbatin yoo duâ€™me salphinnaa fi adabbii hamatu isa eeggata. (Ilaali salphinna warra sammuu ofiitti hin fayyadamne suurat al-mulk 67:6-10 irraa).

Akkasumas, namni tokko sammuu ofiitti fayyadamee yeroo ofiitti yoo hin fayyadamiin, dhumti isaa sodaachisaadha. Fakkeenyaaf, nama Rabbi fi Guyyaa Dhumaatti amane garuu milkaaâ€™inna Aakhiraa bitachuuf hin carraaqne.

Kanaafu yeroo fi sammuu ofiitti sirnaan fayyadamuun furtuu milkaaâ€™inna fi gammachuti.

Namni yeroo hundaa harka isaa gara Rabbi dhugaan olkaasu (yeroo maraa duâ€™aayi godhu), In shaa Allah guyyaa tokko balballi milkaaâ€™inna ni banamaaf.

Beektaa yeroo kam jireenya keessatti akka kuftu? Yeroon ati kuftu yeroo ati **salaatatti baaccu (qoostu) fi yeroo isaa eegun sirnaan yoo salaatu dhiistedha.** Yommuu ati salaata dhiistu jireenyi sitti dhiphatti. Barataa tokkotu ture kan medicine baratu. Gaafa tokko â€™Ati sila maaliif hin salaanne?â€™ Jedhe gaafadhe. Akkana jechuun deebii naa deebisee,â€™ Ani barachuuf as dhufee malee salaata salaatu fi miti.â€™ • Dhugumatti deebiin akkanaa nama rifachiisa. Buâ€™aan inni argate maal taâ€™meree? Yeroo muraasan booda akkana naan jedhe, â€™Bara kana qabxii gaarii galmeessaa ture. Garuu gara dhumaatti darbuu hin dandeenye. Kanaafu bara kana kufe jira. Lamu irra deebiâ€™aa jira. Garmalee qoâ€™achaa ture, hiriyoanni koo darbanii jiru. Kuni hundi maalif taâ€™me. Rabbiin maaliif akkana natti hojjataa?â€™ • Amma eenyun komataa? Matama ofii komachuudha. Namni daangaa Rabbi darbaa fi dirqamoota bahuu dhiisun, â€™Rabbiin maaliif akkana natti hojjata?â€™ yommuu jedhu hin saalfatu? Barnoonni asirraa fudhannu maaliidhaa?

Tokkoffaa salaata dhiisu fi itti qoosun jireenya rakkoo fi dhiphoo jiraachudha. Salaata dhiisun jireenya keessatti kufaatif sababa taâ€™ma.

Lamaffaa yommuu sirritti hojjatuu fi buâ€™aa gaarii argatu, Rabbiin irratti osoo hin taâ€™in humna ofii irratti hirkate. Kanaafu, humna, qabeenya fi sadarkaa keetin hin gowwomiin. Rabbiin irratti hirkadhu.

Yommuu Rabbiif galata galchitu, adabbii hamaa addunyaa tanaa fi Aakhiraa irraa ni baraaramta. Rabbiif galata galchuu jechuun Isaa ajajamuu fi qananii Isaatti fayyadamuun daangaa Isaa darbuu dhiisudha. Dhugumatti adabbii laaleessaa addunyaa tanaa fi Aakhiraa irraa baraaramuun niâ€™TMimaa (tola) fi mindaa guddaadha.

Wanti hundarra gaariin ijjoollen haadha abbaa ofiiti gochuu dandaâ€™TMan, Rabbiin irraa araarama fi rahmata isaani kadhachuudha. Wanti gaariin kana caalu hin jiru. Sababni isaas, rahmataa fi araarama Rabbiitiin milkaaâ€™TMinna guddaa galmaan gahu. Milkaaâ€™TMinni guddaan sunis Jaalala Rabbii argachuu fi Jannata seenudha. Milkaaâ€™TMinni kana caalu ni jiraa sila?

Nama fedhii duwwaan oofamu fi harkifamu osoo hin taâ€™TMin nama haqaa fi xinxalliin oofamu fi harkifamu taâ€™TMi argami.

Amaloota niiti/dhiirsa keeti namoota birootti himuu irraa of eegi. Yommuu ati amala gaarii fi bifa miidhagaa niiti/dhiirsa keeti isaanitti himtu, si waanyun hiriiroo keessan kukkutuuf kaâ€™TMu. Inuma jaalalaan isa/ishii irraa qabamuun dhiirsa/niiti jaallattu kee dhabuu dandeessa. Kanaafu odeeffannoo dhiirsa/niiti keeti akkuma argite hin raabsin. Keessumaayyu sab-qunnamtii fi hiriyootatti hin odeessin. Suuraa niiti/dhiirsa keeti sab-qunnamti kan akka Fesbuuki irratti gadii hin furin. Boodarra hadhaa baayâ€™TMee dhandhamtaati.

Suufiyaan As-Sawrii akkana jedhamuun gaafatamee, â€™Beekumsa barbaadu moo hojii gaggaarii hojjachutu si biratti jaallatamaadha?â€™•

Innis akkana jechuun deebise, â€™Beekumsi kan barbaadamuuf hojii ittiin hojjachuufi. Kanaafu beekumsa barbaaduf jette hojii gaggaarii dalaguu hin dhiisin. Hojii gaggaarii dalaguuf jettes beekumsa barachuu hin dhiisin.â€™•

â€™**Jarjaruun haadha gaabbi hundaati.**â€™• Kanaafu wanta hundaa jarjaraan hin raawwatin boodarra garmalee seenoftaati.

Hin sobin, sobni kee akkamitti fi yoom ifatti akka bahu hin beektuti. Yommuu sobni kee ifatti bahe, ni salphatta, ni tufatamta. Haqa dubbachuuf bilisa taâ€™TMi. Yookiin calâ€™TMisi. Namoota gammachiisuf jette hin sobin. Yommuu sobdu amanamummaa dhabda, ni shakkamta, ni jibbamta. Yommuu haqa dubbattu immoo amanamaa fi jaallatamaa taâ€™TMaa adeemta. Sobni balbala milkaaâ€™TMinna fi gammachuu namarratti cufa. Haqa dubbachuun immoo hulaa milkaaâ€™TMinna fi gammachuu bana. **Calâ€™TMisuun warqiidha. Jechoota haqaa fi gaarii dubbachuun immoo warqii warqii caaludha.** Kanaafu warqii hin dhabin.

â€™**Kophatti diina Rabbii taate ummata keessatti gabricha Rabbii hin taâ€™TMin.**â€™• Bilaal ibn Saâ€™TMad

Kana jechuun kophatti Rabbiin faalleessaa fi daangaa Isaa darbaa yommuu namoonni si argan immoo akka waan Rabbiin sodaattu hin fakkeessin. Kophaa fi ummata keessattis Rabbiin sodaadhu. Kophaa fi ifatti Rabbiin jalaa hin baatuti.

Humna baasu fi rakkoo dandaâ€™™u yoo jibbite, milkaaâ€™™u hin dandeessu. Milkaaâ€™™inni humna baasu fi rakkoo dandaâ€™™u waliin dhufa. Jireenya keessatti miâ€™™aa yoo barbaadde, rakkoo fi gufuwwaan waliin obsi. Humna baasi, milkaaâ€™™innaaf gatii kafali. Asii fi achi takkaa warraaqi. Yeroo san milkooftati.

•Dhugumatti hojiiwwan gaggaariin qalbii ibsuu, fuula faayu, qaamaf jabeenya taâ€™™u, rizqiif (soorataaf) balâ€™™inna taâ€™™u. Qalbii namoota keessatti jaalala kaaâ€™™u (namoonni nama hojii gaggaarii hojjatu ni jaallatu). Cubbuu fi badii hojjachuun immoo qalbii dukkaneessa, fuula walitti suntursa, qaama laamshessa, rizqii akka dhiphattu taasisa. Qalbii namoota keessatti jibba uuma (namoonni nama badii fi cubbuu hojjatu garmalee jibbu, namtichi suni osoo hanga fedhe cubbuu ofii dhokseeyyu.)â€™™•

Hariiroo haraama uumun, yeroo, qabeenya, sammuu, humna, gammachuu fi milkaaâ€™™inna kee hin qisaasessin. Yommuu namni tokko hariiroo haraama saala faallaa waliin uumu, yeroon jalaa gubatti, qabeenya ni qisaasaâ€™™a, sammuu boqonnaa fi nageenya dhabdi, qaamni ni laamshaya, imaanni jalaa hatama, miidhaan isaa tarreefame hin dhumu. Qulqullummaa ofii eegu fi hanga fuudhani ykn heerumani obsuun kabaja, ulfinna, gammachuu fi badhaadhinna. Kanaafu In shaa Allah hanga nama sirrii taâ€™™een, yeroo sirrii taâ€™™etti walitti dhufu obsi. Hanga sanii sammuu kee dagaagsi, aklaaqa/amala kee miidhagsi, qalbii tee shirkii, shakkii, jibba, waanyu, oftuuu irraa qulqulleessuf carraaqi. Kana beeki, nama hawwatamaa fi jallatamaa kan taatu yommuu amala kee bareechistedha. Nama jibbamaa fi kan irraa dheessan kan taatu immoo yommuu amala kee xurreessite fi fukkisteedha. Wantoonni amala kee fukkisan, soba (kijiba), oftuuu, waanyu, nama hamatu, dubbii oli gadii guuru, aybii (dogongora) namoota jala deebani ifatti baasu, kabaja namaa xureessu fi kkf. Kanaafu amala kee bareechisi.

Yommuu ammaan achi akka hin jaallatamne fi hin kunuunfamne sitti dhagahamu, aarun abdii hin kutin. Keessumatti namni atii fuudhu/itti heerumu barbaaddu yommuu si hin jaalanne sitti dhagahamu, aarun abdii kutu dandeessa. Miironni akkanaa dhiiga kee akka xuuxanii fi sammuuf anniisaa kee akka qisaasessan hin hayyaminiif. Rabbiin irratti hirkadhu. Akkuma hojii gaggaarii hojjachuu, badii irraa dheessu fi araarama Rabbiin irraa kadhachuu itti fuutuun, guyyaa tokko nama jaallatamaa fi kabajamaa taata. Hanqinna kee ilaalun of gadii hin xiqqeessin. Hanqinna malee eenyutu addunyaa tana irra deemaa? Hundii keenya hanqinna qabna. Haa taâ€™™uu malee hanqinna keenya sirreessuf guyyaa guyyaan carraaqu qabna. Galmaa fi milkaaâ€™™inna namoota biroo ilaalun of hin jibbin. Wanta dandeessu hojjadhu. Kanaafu hanqinni keeti fi milkaaâ€™™inni namoota biroo karaa jijjirama sitti hin cufin. Jijjiramuuf tattaafadhu.

Hojii tokko hojjachuun dura jalqaba niyyaa kee tolchi. Maaliif hojjadhaa?jedhii of gaafadhu. Sababni isaas, niyyaa kee irratti hundaaâ€™™eti kan mindeefamtu (ajrii Rabbiin irraa argattu). Niyyaa kee erga tolchiteen booda faayda fi miidhaa hojii keeti madaali. Yoo hojiin kee faayda kan qabaatu taâ€™™e, duubatti hin deebiâ€™™inii hojjadhu. Yoo miidhaa qabaate immoo dhiisi. Miidhaa fi faaydan isaa wal qixa yoo taâ€™™e yookiin miidhaa fiduun isaa yoo si shakkisiise, hin hojjatinii dhiisi. In shaa Allah haala kanaan badii baayâ€™™ee jalaa baraaramta. Miila kee tarkaanfi itti aanutti kaasun dura itti yaadi. Maaliif hojjadha? Maal hojjadha? Akkamitti haa hojjadhu? Gaafilee jedhan deebisuuf carraaqi.

Shaqiiq al-Balkhii akkana jedhe:â€™™namoota waliin yommuu hiriyyoomtu akka yeroo ibidda bira jirtu taâ€™™i. Ibidda irraa faaydaa isaa fudhu akka si hin gubne immoo of eegadhu.â€™™• Haaluma kanaan

namoota waliinis yommuu jirtu faayda irraa fudhu akka si hin miine immoo of eeggadhu.

Date Created

April 1, 2017

Author

admin